



Deddf Treth Gwarediadau Tirlenwi (Cymru) 2017

2017 dccc 3

RHAN 5

DARPARIAETH ATODOL

PENNOD 6

ACHOSION ARBENNIG

Grwpiau corfforaethol

77 **Dynodi grŵp o gwmnïau**

- (1) Caiff ACC ddynodi dau gorff corfforaethol neu ragor yn grŵp at ddibenion y dreth.
- (2) Gwneir dynodiad drwy ddyroddi hysbysiad i bob aelod o'r grŵp.
- (3) Rhaid i'r hysbysiad bennu—
 - (a) y cyrff corfforaethol sy'n aelodau o'r grŵp;
 - (b) pa aelod o'r grŵp yw'r aelod cynrychiadol;
 - (c) y dyddiad y mae'r dynodiad yn cael effaith.
- (4) Effeithiau dynodi grŵp yw—
 - (a) bod aelod cynrychiadol y grŵp i'w drin at ddibenion y dreth fel gweithredwr pob safle tirlenwi awdurdodedig y mae aelod o'r grŵp yn weithredwr iddo;
 - (b) bod rhaid i swm perthnasol y byddai'n ofynnol i gorff corfforaethol ei dalu fel arall o ganlyniad i unrhyw beth a wneir neu nas gwneir tra bo'n aelod o'r grŵp gael ei dalu, felly, gan yr aelod cynrychiadol yn lle hynny;

Statws Golwg cyfnod mewn amser fel yr oedd ar 01/04/2018.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Adran 77. (See end of Document for details)

- (c) bod rhwymedigaeth ar bob un o'r canlynol yn unigol ac ar y cyd mewn perthynas ag unrhyw ran o'r swm perthnasol sy'n parhau i fod heb ei thalu ar ôl y dyddiad erbyn pryd yr oedd yn ofynnol i'r aelod cynrychiadol ei dalu—
- (i) pob corff corfforaethol a oedd yn aelod o'r grŵp ar adeg y weithred neu'r anwaith a arweiniodd at y gofyniad i dalu'r swm, a
 - (ii) unrhyw gorff corfforaethol arall a oedd yn aelod o'r grŵp ar y dyddiad erbyn pryd yr oedd yn ofynnol i'r aelod cynrychiadol dalu'r swm.
- (5) Ni chaiff ACC ond dynodi grŵp o gyrff corfforaethol ar gais un neu ragor o'r cyrff hynny.
- (6) Rhaid i gais i ddynodi grŵp gael ei gyflwyno mewn ysgrifen; a rhaid i'r corff neu'r cyrff sy'n gwneud y cais fodloni ACC y'i gwneir gyda chytundeb pob aelod arfaethedig arall o'r grŵp.
- (7) Os yw ACC yn gwrthod cais i ddynodi grŵp, rhaid iddo ddyroddi hysbysiad am ei benderfyniad i'r corff neu'r cyrff a wnaeth y cais.
- (8) Yn yr adran hon, ystyr “swm perthnasol” yw—
- (a) swm o dreth;
 - (b) cosb o dan ddeddfiad sy'n ymwneud â'r dreth;
 - [^{F1}(ba) swm sy'n daladwy mewn cysylltiad â chredyd treth;]
 - (c) llog ar swm o fewn paragraff (a) [^{F2}, (b) neu (ba)].

Diwygiadau Testunol

F1 A. 77(8)(ba) wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 5(a)**

F2 Geiriau yn a. 77(8)(c) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 5(b)**

Gwybodaeth Cychwyn

I1 A. 77 ddim mewn grym ar y Cydsyniad Brenhinol, gweler **a. 97(2)**

I2 A. 77 mewn grym ar 25.1.2018 gan O.S. 2018/35, **erogl. 2(w)**

Statws

Golwg cyfnod mewn amser fel yr oedd ar 01/04/2018.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Adran 77.